

摘藻堂四庫全書薈要

史部

欽定四庫全書薈要

史部

御批歷代通鑑輯覽卷十六

詳校官原任編修臣徐立綱



欽定四庫全書薈要卷七千四百六十九

御批歷代通鑑輯覽卷十六

漢

孝武皇帝

元鼎元年

應劭曰以得寶鼎故改元通鑑考異寶鼎得于四年六月而改元則于是年蓋亦如

建元元年光後來追敘之耳漢書因改元遂于元年誤增得鼎一事考漢書武帝紀元鼎元年夏五月得鼎汾水上四年六月得寶鼎后土祠旁其書法有得鼎得寶鼎之不同似兩得鼎而並紀之者且自元狩以後皆以瑞紀元何待追夏五月得鼎汾水上敘今仍漢書

丙寅二年冬十一月張湯有罪自殺十二月丞相青翟下

獄自殺

初御史中丞李文

河東人

與湯有隙湯所厚吏魯謁居

陰使人告文姦事事下湯治論殺之上問變事從

師古

曰讀曰蹤

跡安起湯心知謁居為之陽驚曰此殆文故人

怨之謁居病湯親為之摩足趙王素怨湯告湯大臣

乃與吏摩足疑與為大姦事下廷尉謁居病死事連

其弟弟告湯與謁居謀共變告李文事下減宣

楊人為左

史內窮竟未奏會盜發孝文園瘞錢丞相青翟與張湯

約俱謝至前湯獨不謝上使御史案丞相湯欲致其

文丞相見知欲以見知故縱丞相長史朱買臣王朝

齊邊通邊氏出周大夫邊伯皆怨恨湯三長史素貴居湯方已而失官守長史湯數行

丞相事常陵折之故怨欲死之乃與丞相謀使吏案捕賈人田

信等曰湯且欲奏請信輒先知之居物致富與湯分

之事辭頗聞上問湯曰吾所為賈人輒先知之益居

其物是類有以吾謀告之者湯不謝又陽驚曰固宜

有減宣亦奏謁居事上以湯懷詐面欺使趙禹切責湯湯乃為書謝因曰陷臣者三長史也遂自殺湯既死家產直不過五百金昆弟諸子欲厚葬湯湯母曰湯為天子大臣被污惡言而死何厚葬乎載以牛車有棺無槨上聞之乃盡案誅三長史丞相青翟下獄自殺

春起柏梁臺

在今西安府長安縣故域內以香柏為梁故名

作承露盤

在長安縣西北

故建章

宮內

盤高二丈大七圍以銅為之上有仙人掌以承露
和玉屑飲之可長生云

二月以趙周為丞相

三月大雨雪

夏大水關東饑

置均輸

大農令屬有均輸令丞孟康曰諸州郡所當輸于官者皆令輸其土地所饒平其所在時價官

自轉遷于所無之地賣之輸者既便而官有利

禁郡國鑄錢

孔僅為大農令而桑弘羊為大農中丞稍置均輸以

通貨物悉禁郡國無鑄錢專令上林三官鑄

裴駰曰水衡都

尉掌上林苑屬有上林鐘官辨銅令然則上林三官其是此三令乎

非三官錢不得行

而民鑄益少計其費不能相當惟真工大姦乃盜為之

西域始通置酒泉

治表是今甘肅肅州高臺縣是應劭曰其水若酒故名

武威姑

藏今甘肅涼州府武威縣是郡

張騫建言烏孫王昆莫

王之號名驍靡

本為匈奴臣後兵

稍彊不肯復朝事匈奴今單于新困于漢而故渾邪

地空無人誠以厚幣賂烏孫招居故渾邪之地則是
斷匈奴右臂也既連烏孫自其西大夏之屬皆可招
來而為外臣上以為然拜騫中郎將

將三百人
持節副使

齎

金幣帛直數千巨萬騫至烏孫致賜諭指未能得其

決因分遣副使使大宛康居大月氏大夏

注俱
見前

安息

治番兜城去長安萬一千六百里其屬
大小數百城地方數千里最大國也

身毒

注見
前

于

闐

注見前考于闐國在蔥嶺之北今回部之和闐也
有河出其南山即于闐河北流合葉爾羌之塔里

母河河出葱嶺即蔥嶺河又折而東匯于
羅布淖爾即古所稱河源注于鹽澤者也

及諸旁國

烏孫發譯道送騫還使數十人馬數十匹

烏孫多馬富人至四

五千匹

隨騫報謝是歲騫還後歲餘所遣使通大夏之

屬者皆頗與其人俱來于是西域始通于漢矣西域

凡三十六國

其後稍分至五十餘

南北有大山

南山即南祁連北山即北祁連

中央有河

即于闐河

東西六千餘里南北千餘里東則接

漢玉門

元和志玉門故關在龍勒縣西為西域門

陽

戶

龍勒故城在今西安府敦煌縣西

關

在今敦煌縣西南元和志

居玉門關之南故曰陽關

西則限以葱嶺

在葉爾羌

西南南北兩山皆其分支西河舊事葱嶺在敦煌西八千里其山高上悉生葱故名明一統志葱嶺高

數千丈番名塔兒塔石打班

自玉門陽關出西域有兩道從鄯

善

本樓蘭後更名治杆泥城去長安六千一百里

旁南山循河西行至莎車

為南道南道西踰葱嶺則出大月氏安息自車師前

王庭

有前後王庭前王治交河城去長安八千一百五十里後王治務塗谷去長安八千九百五十

里隨北山循河西行至疏勒

治疏勒城去長安九千三百五十里

為北

道北道西踰葱嶺則出大宛康居奄蔡

在康居西北可二千里與

康居同俗國臨大澤無涯乃北海云

故皆役屬匈奴匈奴賦稅諸國取

富給焉烏孫既不肯東還乃于渾邪故地置酒泉郡

稍發徙民以充實之又置武威郡以絕匈奴與羌通之

道

後使西域者益多匈奴時遮擊之乃分武威酒泉地更置張掖敦煌二郡張掖治縣得今甘州府

張掖縣是敦煌治敦煌注見上孟康曰縣音鹿

丁卯 三年夏四月雨雹

關東飢

被災郡國凡十餘人相食

戊辰

四年冬十一月立后土祠于汾陰

注見前

雕上

亦曰雕卯在今

山西蒲州府
榮河縣北

親祠之始巡郡國

先是上祠五時詔曰今上帝朕親郊而后土無祀則

禮不答也

謂闕地祇之祀
不為神所答應

其令有司議之于是立后

土祠于汾陰睢上

顏師古曰以形高
起如人尻睢故名

上親望拜如上

帝禮禮畢遂至滎陽始巡幸郡國

封周後姬嘉為周子南君

顏師古曰子南封邑之號
以為周後故曰周子南君

上過洛陽求周後得嘉封為周子南君以奉周祀

夏以方士樂大為五利將軍尚公主

方士樂大

膠東王家人故嘗與文成同師上
方悔誅文成樂成侯丁義乃薦大

敢為大

言處之不疑見上曰臣嘗往來海上見安期羨門之

屬曰黃金可成而河決可塞不死之藥可得仙人可

致也然臣恐效文成徒為方士掩口上曰文成食馬

肝死耳子能修其方我何愛乎大曰臣師非有求人

人自求之陛下必欲致之則貴其使者令為親屬以

客禮待之乃可使通言于神人時上方憂河決而黃

金不就乃拜大為五利將軍封樂通侯食邑賜甲第

以衛長公主

衛太子姊

妻之齎金十萬斤上親幸其第自

竇太主將相以下皆獻遺之大見數月凡佩六印

天士

地士大通五利四將軍及侯帝又刻玉印
授曰天道將軍天道者為天子道天神也 貴震天下

而海上燕齊之間莫不搯捉持腕自言有禁方能神

仙矣明年大坐誣罔要斬大裴為入海求其師乃之
太山上使人隨驗實無所

見而大妄言見其師
方又多不售遂誅之

六月得大鼎后土祠旁

汾陰平錦

錦平名

得大鼎于魏雕

汾陰本魏地
故曰魏雕

后土營

祠之旁 錦拊地得鼎鼎大異于衆
兆域 鼎文鏤無款識怪之告吏

河東太守以聞上

以禮祠迎鼎至甘泉從上行薦之郊廟羣臣皆賀

時

臣皆言得周鼎吾邱壽王獨以為非周鼎上名而問之壽王對曰昔秦始皇親出鼎于彭城而不能得今天祚有德而鼎自出此天所以與漢乃漢寶非周寶也上曰善于是始作寶鼎之歌

是秋齊人

公孫卿以漢得寶鼎與黃帝時等

漢得寶鼎其冬辛巳朔旦冬至黃帝得寶

鼎是歲冬己酉朔旦冬至

乃為札書因嬖人奏之上召問卿卿言

漢興復當黃帝之時寶鼎出而與神通當封禪封禪則

能仙登天矣

卿又言黃帝採首山銅鑄鼎荆山下鼎既成有龍垂胡鬚下迎黃帝上騎與羣

臣後宮七十餘人俱登天于是上曰嗟乎果能得如黃帝吾視去妻子亦如脫屣焉耳

乃拜卿

為即

後二年卿候神河南言見仙人跡維氏城上帝親往視謂卿得毋效文成五利乎卿曰仙者非

有求人主人主自求之其道非寬假神不來積以歲月乃可致也帝信之

以兒寬為左內史

寬為治勸農桑緩刑罰理獄訟務在得人心擇用仁

厚士推情與下不求聲名吏民大信愛之收租稅時裁

濶狹與民相假貸

胡三省注濶謂禁防疏濶之時狹謂督促迫急之時濶時不急徵收

與民相假貸也

以故租多不入後有軍發左內史以負租課

殿

課下下曰殿

當免民聞皆恐失之大家牛車小家担負

輸租緇屬

言輸者如緇之相聯屬

不絕課更以最

課上上曰最

上由

此愈奇寬

己巳五年冬十月帝祠五時遂獵新秦中以勒邊兵

上祠五時于雍遂踰隴

隴坻也亦曰隴坂在今甘肅秦州分水縣三秦記其坂九

曲上者七日乃越

西登崆峒

注見前

北出蕭關

注亦見前

從數萬騎

獵新秦中以勒邊兵而歸新秦中或千里無亭徼

既無

亭候又不徼循

于是誅北地太守以下

立秦一

注見前

及五帝祠壇于甘泉十一月辛巳朔冬至

親郊見

味爽天子始郊拜泰一朝朝日夕夕月皆揖

是為泰時自是

三歲天子一郊見

南越相呂嘉弑其王興更立建德為王發兵反遣將軍

路博德

西河平州人

等將兵討之

先是上遣使諭南越王入朝

建元時南越太子嬰齊入宿衛在長安取樛氏女生

子興後嬰齊嗣王立樛氏為后興為太子嬰齊覺興代立其母為太后太后故嘗與霸陵人安國少季通帝使少季往諭王及太后入朝比內諸侯南越王太后勸王及羣臣內屬

安國少季至越復與太后私通國人頗知之多不附太后太后倚漢威故數勸即因使者上

書請比內諸侯三歲一朝除邊關天子許之

寧在四年

至是

太后與王飭治行裝重齋為入朝具其相呂嘉數諫不聽因稱病不見漢使者太后欲誅之嘉遂與其大

臣謀作亂未發會漢使韓千秋及繆樂

即太后弟

將二千

人入越境嘉遂反

下令國中曰王年少太后中國人又與使者亂無顧趙氏社稷為萬

世慮計之意

將卒攻殺王太后及漢使者立明王

嬰齊諡

長

男越妻子建德為王韓千秋兵破數小邑未至番禺

四十里越以兵擊千秋等遂滅之使人函封漢使者

節置塞上發兵守要害處上聞南越反下詔發樓船

十萬師往討之伏波將軍路博德出桂陽

漢郡治郴今湖南郴

州樓船將軍楊僕

宜陽人

出豫章

注見前

戈船將軍歸義

越侯嚴出零陵

漢郡治零陵今湖南永州府零陵縣是

下瀨將軍甲

甲與

嚴皆越人

下蒼梧

今廣西梧州府是時漢尚未置郡

越馳義侯遺

亦越

歸漢者

人發夜郎兵下牂柯江

注見前

咸會番禺

夏四月丁丑晦日食

秋九月嘗酎

嘗秋祭酎直赦反三重釀酒也

列侯百有六人皆奪爵丞

相周下獄自殺

時齊相卜式上書請父子與齊習船者往死南越詔褒

美式賜爵關內侯布告天下天下莫應諸列侯以百

數亦莫求從軍擊越會九月嘗酎列侯以令獻金助祭

張晏曰正月旦作酒八月成名曰酎武帝因八月嘗酎會諸侯廟中出金助祭所謂酎金也

少府

省金金有輕及色惡者上皆令劾以不敬奪爵者百

六人丞相趙周坐知列侯酎金輕下獄自殺

酎金已非善政以此陰中無應詔攻越者並可笑矣

以石慶為丞相

封牧邱侯
食邑平原

庚午六年冬討平西羌

後漢書西羌傳羌出三苗舜
竄之三危河關西南羌是也

先零羌

羌無弋爰劍之後留居湟中者二十
餘種先零罕开之屬皆是零音憐

與匈奴

通合衆十餘萬共攻令居

注見前

安故

漢縣注見前

遂圍枹

罕

漢縣故城在今
蘭州府河州

詔發卒十萬人遣將軍李息郎中

令徐自為擊平之始置護羌校尉統領焉

平南越置九郡

楊僕入越地先陷尋陁

史記索隱在始興郡之西北
始興郡今廣東韶州府是

破石門

山名在廣州府城西北江中兩山對峙如門故名

待博德至俱進至

番禺南越城守會暮僕縱火燒城博德遣使招降者

賜印綬復縱令相招黎旦城中皆降建德嘉已夜亡

入海博德遣人追得之戈船下瀨夜郎兵未下南越

已平矣

時帝將幸緄氏至左邑桐鄉聞南越破以為聞喜縣至汲新中鄉得呂嘉首以為獲嘉縣

遂分南越地置南海

治番禺今縣廣州府治

蒼梧

治廣信今蒼梧縣廣西梧

州府鬱林

治布山今貴縣屬廣西潯州府

合浦

治徐聞今海康縣屬廣東雷州府今徐聞

縣唐時

交趾

治羸樓音連受

九真

治胥浦

日南

治朱吾交趾下三郡今為安南

國珠崖茂陵書治潭都地在今儋耳元和志治義倫

地廣東瓊州府瓊山縣是考珠崖儋耳元封元年始開昭帝時省儋耳元帝時罷珠崖故漢書地理志不載耳九郡

平西南夷置五郡

越馳義侯發南夷兵且蘭今貴州平越府平君反殺

使者令邑蜀罪人當擊南越者擊之誅且蘭君及邛

君笮君遂平南夷為牂柯郡治故且蘭夜郎侯入朝

上以為夜郎王西夷冉駹之屬邛笮冉駹皆震恐請

臣置吏乃以邛都為越巂郡治邛都故城在今四笮

為沉黎郡

治笮都天漢四年
省笮都注見前

冉駹為汶山郡

治汶江
宣帝時

省汶江今

廣漢

漢郡今四川成
都府漢州是

西白馬

地名氏
所居

為武

四川茂州

都郡

治武都今甘肅
階州成縣是

秋東越王餘善反遣將軍楊僕等將兵討之

先是東越王餘善請從樓船擊呂嘉至揭陽

今縣屬
廣東潮

州府本

以海風波為辭陰使南越楊僕上書願便引

漢置

兵擊東越上不許令屯豫章楊嶺

在江西南昌府新
建縣西上有梅仙

壇

以待命餘善聞樓船請誅之遂反發兵距漢道號

其將軍曰吞漢自稱武帝上欲復使楊僕將為其伐

前勞以書敕責之僕惶恐願效死贖罪乃遣橫海將

軍韓說出句章

漢縣故城在今浙江寧波府慈溪縣

浮海僕出武林

史記

索隱豫章北接鄱陽界有武陽亭亭之東南地其名

曰武林當閩越之京道

今江西饒州府餘干縣東

北有武陵山即古之

王溫舒出梅嶺越侯出若邪

武林楊僕出師處

山名在浙江紹興府

白沙

今浙江温州府樂清縣有白沙嶺上有關為水陸要

會稽縣南下有溪

衝

以擊南越明年繇王居股殺餘善以其衆降上以

閩地險阻數反覆乃詔諸將悉徙其民于江淮間遂

虛其地

以卜式為御史大夫

式言郡國民多不便縣官作鹽鐵苦惡價貴

鹽苦鐵惡而價

又貴強令民買之而船有算商者少物貴上不悅未幾

以式不習文章貶太子太傅

辛未元封元年應劭曰始封泰山故改元考是歲改元在四月

冬十月帝出長城

登單于臺

在今歸化城西

勒兵而還

詔曰南越東甌咸伏其辜西蠻北夷頗未輯睦朕將

巡邊垂躬秉武節置十二部將軍親帥師焉乃行自

雲陽北歷上郡

注俱見前

西河

漢郡治富昌故城在人鄂爾多斯左翼前旗後漢移

郡治離石今山西汾

五原

漢郡治九原九原注見前

出長城北登

州府永寧州是也

單于臺至朔方臨北河

通典河自九原以東謂之北河

勒兵十八萬

騎旌旗徑千餘里遣使者郭吉告單于曰南越王頭

已縣于漢北闕單于能戰天子自將待邊不能亟來

臣服何但亡匿幕北苦寒之地為單于怒留吉上乃

還祭黃帝冢于橋山

上曰吾聞黃帝不死今有冢何也公孫卿曰黃帝已仙上天羣

臣思慕塋其衣冠上嘆曰吾後升天羣臣
亦當葬吾衣冠于東陵乎
橋山注見前
乃釋兵還

甘泉

帝自制封禪儀成以兒寬為御史大夫

相如封禪書虛
詞濫說固無足
議兒寬以經術
取用亦從而附
和之則所謂經
生者何居

初司馬相如病且死有遺書勸上封泰山會得寶鼎
上乃令諸儒采尚書周官王制之文草封禪儀數年
不就以問兒寬寬曰封泰山禪梁父昭姓考瑞帝王
之盛節也然享薦之儀不著于經非羣臣之所能列
唯天子建中和之極兼總條貫金聲而玉振之以順

成天慶垂萬世之基上然之乃自制儀采儒術以文
焉既成將用事拜寬為御史大夫

春正月帝東巡祭中嶽

注見前

遂如海上求神仙夏四月

封泰山禪肅然復東北至碣石

注見前

而還

帝東幸緱氏

漢縣故城在今河南府偃師縣

禮祭中岳從官在山下

聞若有呼萬歲者三

詔祠官加增太室祠以山下戶三百為奉邑名曰崇高

行

至泰山山草木葉未生

令人上石立之山巔

遂東巡海上禮八

神

注見前

益發船令言海中神山者求蓬萊

公孫卿言夜見大人

長數丈就之則不見見其跡甚大羣臣又言見一老父牽狗言吾欲見巨公已忽不見上即見大跡未信及羣臣言老父則大以為仙人也

予方士傳車及間使求仙人皆以

千數四月還至奉高

漢縣泰山郡治宋改奉符今曰泰安為泰安府治

令侍

中儒者行事封泰山下東方如郊祠泰一之禮

封廣文二

尺高九尺其下則有玉牒書書秘

禮畢天子獨與侍中奉車都尉霍

子侯

去病子

上泰山亦有封其事皆禁明日下陰道

山北

為禪泰山下趾東北肅然山如祭后土禮

江淮間茅三脊為神

藉五色土益雜封其封禪祠夜若有光晝有白雲出封中

上還坐明堂

臣瓚曰泰山東北趾

古時有明堂
羣臣上壽頌功德詔改今年為元封元
則此所坐者

年大赦天下上既已封泰山無風雨而方士更言蓬

萊諸神若將可得于是上欣然庶幾遇之復東至海

上望焉

上欲自浮海求蓬萊羣臣諫莫能止東方朔曰夫仙者得之自然不可躁求若其有道不

憂不得若其無道雖至蓬萊見仙人亦無益也臣願陛下第還宮靜處以須之仙人將自至上乃止會

奉車霍子侯暴病一日死乃遂去並海上北至碣石

歷北邊至九原五月還甘泉

賜桑弘羊爵左庶長

先是桑弘羊為治粟都尉領大農盡幹

音管專主之也

天下

鹽鐵乃置大農部丞數十人分主郡國令遠方各以

其物如異時商賈所轉販者為賦而相灌輸置平準

官名屬大

農有令丞

于京師都受天下委輸貴即賣之賤即買

之欲使富商大賈無所牟大利而萬物不得騰踊至

是廵守所過賞賜用帛百餘萬匹金錢以鉅萬計皆

取足大農弘羊又請令吏得入粟補官及罪人贖罪

民不益賦而天下用饒于是賜弘羊爵左庶長

是時小羊

上令官求雨卜式言曰縣官當食租衣稅而已今弘羊令吏坐市列肆販物求利息弘羊天乃雨

秋有星孛于東井又孛于三台

魁下六星兩兩而比曰三台

望氣王朔言侯獨見填星

填讀曰鎮土星也

出如瓜食頃復

入有司皆曰陛下建漢家封禪天其報德星云

德星即填

星也史記作旗星

明年帝祠五時還祠泰一以拜德星

壬申二年春帝如東萊

漢郡治掖今山東萊州府掖縣是

還臨塞決河築

宣防宮

在直隸大名府開州西南

公孫卿言見神人東萊山若云欲見天子于是幸

瓠子之決踰二
十年始則藏于
田蚡而委之天
事既則惑于五
利而伐之神仙
生此始親臨督
塞然梁楚之祇
告斯已久矣

緱氏遂至東萊宿留數日無所見見大人跡云時歲

旱天子既出無名乃禱萬里沙

在萊州府掖縣東北
寰宇記夾萬歲水兩

岸皆沙
舊有祠

過祠泰山還過瓠子瓠子河決已二十餘年

不塞上自臨決河沈白馬玉壁令羣臣從官自將軍

以下皆負薪寘決河時東郡燒草以故薪柴少而下

淇園之竹以為楫

樹竹以塞決口令
密而以土填之

卒塞瓠子築宮

其上名曰宣防

上初臨河決悼功之不成
作瓠子之歌既塞乃築宮

道河北行

二渠

注見前

復禹舊迹梁禁之地復寧無水災

夏帝還長安

越人勇之

越人名

言越俗祠皆見鬼有效東甌王敬鬼

得壽百六十歲乃命立越祠亦祀天神上帝百鬼而

用雞卜

越俗執雞以禱所占殺之拔其骨視骨上之孔以驗吉凶

公孫卿復言仙

人好樓居于是上令長安作蜚廉觀

在故長安城中應劭曰蜚廉神

禽能致風

甘泉作通天臺

三輔皇圖臺高百餘丈若與天通

使卿持

氣者也

節設具而候神人更置甘泉前殿夏有芝生殿房內

中

芝九莖連葉內中後庭之室也

詔赦天下

作芝房之歌

朝鮮

注見前

襲殺遼東

注見前

都尉遣將軍楊僕荀彘將兵

伐之

朝鮮在戰國時故屬燕秦為遼東外徼漢興為其遠

難守復修遼東故塞至涓水

在朝鮮國平壤城東今曰大通江

為界

屬燕國燕王盧綰反入匈奴燕人衛滿亡命聚黨椎

結蠻服東走出塞度涓水居秦故空地役屬諸夷及

燕齊亡在者

師古曰燕齊之人亡居此地

王之都王險

即平壤城箕子故都

今朝鮮國為平壤府

孝惠高后時遼東太守約滿為外臣保塞

以故滿得侵降其旁小邑方數千里傳子至孫右渠

所誘漢亡人滋多又未嘗入見辰國

即辰韓韓有三種曰馬韓辰韓

弁韓欲上書見天子又雍閼不通是歲漢使涉何譙責讓

也諭右渠終不肯奉詔何去至沮水刺殺送者歸報天

子曰殺朝鮮將上以其名美拜何遼東東部都尉朝

鮮怨何發兵攻襲殺之上募天下死罪為兵遣樓船

將軍楊僕從齊浮渤海左將軍荀彘出遼東以討朝

鮮

旱

上以旱為憂公孫卿曰黃帝時封則天旱乾

音干

封三

年上乃下詔曰天旱意乾封乎

蘇林曰謂天旱之意欲新封之土乾燥乎

秋作明堂于汶上

汶水之上也

水經注北汶水東南流逕明堂下今泰安府南有泮河即

北汶水東南

流入大汶

上欲作明堂未曉其制度濟南公玉帶

史記索隱公玉姓帶名也

風俗通齊潘王臣有

上黃帝明堂圖

中有一殿四面無壁以茅蓋通

公玉冉帶其後也

水園宮垣為複道上有

樓從西南入命曰昆侖

于是上令奉高作明堂汶上

如帶圖

遣將軍郭昌發兵擊滇滇王降置益州郡

治滇池今雲南府是

初上使王然于諭滇王入朝滇王衆數萬人其旁東

北勞深靡莫

括地志勞深即勞浸在蜀南靡莫即靡非在姚州北

同姓相仗未

肯聽勞深靡莫數侵犯使者吏卒于是上遣將軍郭

昌發巴蜀兵擊滅勞深靡莫以兵臨滇滇王舉國降

請置吏入朝乃以為益州郡賜滇王王印復長其民

西南夷君長以百數獨夜

郎及滇受王印最寵焉

以杜周

南陽杜衍人

為廷尉

周少言重遲而內深次骨其治大抵放張湯而善候

司

讀作伺

上所欲擠者因而陷之上所欲釋久繫待問

而微見其冤狀

客或讓周不循三尺法周曰三尺安出哉前主所是著為律後主所是疏

為令當時為是

時詔獄益多一歲至千餘章逮至六

何古之法乎

七萬人吏所增加十有餘萬

癸酉

三年冬十二月雷雨雹

遣將軍趙破奴擊姑師

徐廣曰即車師

破奴虜樓蘭王遂破姑

師考通鑑姑師作車師蓋以一國兩名故互書也
綱目以姑師為樓蘭王名未知何據今依漢書

上必欲通大宛諸國使者一歲多至十餘輩樓蘭姑

師當道苦之攻劫漢使又數為匈奴耳月上遣趙破

奴將屬國騎及郡兵擊姑師王恢數為樓蘭所苦上

令恢佐破奴將兵破奴以輕騎七百人先至虜樓蘭

王遂破姑師因暴兵威以動烏孫大宛之屬還破奴

恢俱封侯破奴泥野于是酒泉亭障至玉門矣

朝鮮人殺王右渠以降置樂浪

治朝鮮即平壤城

臨屯

茂陵書治東

昭帝時廢今朝鮮國城西南有臨屯城

元菟

治高句驪故城在朝鮮咸興府東北

真番

茂陵書治

害縣亦昭帝時廢今朝鮮國城西有真番城

郡

漢兵入朝鮮境朝鮮王右渠發兵距險楊僕將齊兵

先至戰敗遁走收散卒復聚荀彘擊朝鮮沮水西軍

亦未能破

上以兩將未有利乃使衛山因兵威往諭右渠右渠頓首請降遣太子入謝人衆萬

餘持兵方渡沮水山與彘疑其為變諭令人毋持已兵太子疑遂不渡沮水復引歸山還報上乃誅山

彘破沮水上軍乃前至城下圍其西北僕亦往會居

城南數月未下彘所將燕代卒勁悍乘勝多驕僕嘗

敗亡卒皆恐將心慙其圍右渠僕常持和節而彘急
擊之朝鮮大臣乃陰使人約降于僕往來未決彘使
人降之不從以故彘與僕不相得上以兩將乖異使
濟南太守公孫遂往正之有便宜得以從事遂至彘
具以素所意告之遂亦以為然乃共執僕而并其軍
遂還報上誅遂彘擊朝鮮益急朝鮮尼谿相參
地參相
之名也等使人殺王右渠以降朝鮮平以其地為四
郡彘徵棄市僕贖為庶人

甲戌 四年夏大旱

民多暍死

匈奴寇邊遣郭昌將兵屯朔方

匈奴自衛霍渡幕以來希復為寇遠徙北方數使使請和親漢使王烏窺之單于佯許遣太子入漢為質又曰吾欲入漢見天子面相約為兄弟王烏歸報漢為單于築邸長安會匈奴使至漢病死漢使路充國送其喪單于以為漢殺吾使者乃留充國而數使部兵

侵犯漢邊上遣昌等屯朔方以備之

乙亥 五年冬帝南巡江漢春三月至泰山增封祀上帝于

明堂配以高祖

上南巡狩

自江陵而東

至于盛唐

韋昭曰在南郡寰宇記盛唐漢縣屬廬江郡其

西有盛唐山考漢書地理志廬江郡無盛唐其盛唐縣乃唐置非漢縣也且自江陵而東則南郡之說為是

望祀虞帝于九疑

注見前

登瀟

漢縣故城在江南六安州霍山縣

天

柱山

即霍山在霍山縣北爾雅謂之南嶽今亦曰瀟嶽

自尋陽

漢縣在江北今湖北黃梅

縣界晉尋陽郡在江南今江西九江府是也

浮江親射蛟江中獲之舳舻

千里薄樅陽

漢縣故城在江南安慶府桐城縣今為鎮

而出

作盛唐樅陽之歌

遂

北至琅邪

注見前

並海所過禮祀其名山大川還至泰

山增封始祀上帝于明堂以高祖配因朝諸侯王列

侯受郡國計

師古曰受郡國上計簿也

夏四月赦天下所幸縣毋

出今年租賦還幸甘泉郊泰畤

大司馬大將軍長平侯衛青卒

諡曰烈

青凡七出擊匈奴再益封并三子凡二萬二百戶蘇

建常責青以招選賢者青謝曰自魏其武安之厚賓

客天子常切齒彼招賢黜不肖者人主之柄也人臣奉法遵職而已何與招士

初置刺史

上既攘卻胡越開地斥境乃置交趾朔方之州及冀

幽并

幽并二州并分冀州置

充徐青揚荆豫益

禹貢梁州涼

禹貢雍州西地

等州凡十三部皆置刺史掌奉詔條察州

漢舊儀刺史以秋分

行部所

察六條

詔舉茂材異等

詔曰盖有非常之功必待非常之人故馬或奔蹏而致千里士或有負俗之累而立功名夫要駕之馬跡弛之士亦在御之而已其令州縣察吏民有茂材異等可為將相及使絕國者

丙子六月春遣郭昌將兵擊昆明

注見前

上欲通大夏遣使皆閉昆明為所殺奪幣物于是赦京師亡命遣郭昌將以擊之斬首數十萬後復遣使竟不得通

秋大旱蝗

以宗室女為公主嫁烏孫

烏孫使者見漢廣大歸報其國其國乃益重漢匈奴怒
欲擊之烏孫恐使使願得尚漢公主為昆弟乃以江都王
建女細君為公主往妻烏孫昆莫以為右夫人匈奴亦遣
女妻之以為左夫人公主自治宮室居歲時一再與昆莫
會昆莫年老言語不通公主悲愁思歸作黃鵠之歌天子

聞而憐之間歲使人問遺昆莫欲使其孫岑陁

烏孫官號
名軍須靡

尚公主公主不聽上書言狀天子方欲與烏孫共滅匈奴

詔報從其國俗岑陬遂妻公主昆莫死代立乃為昆彌

昆莫

本名獵驕靡故號取昆莫驕靡合而一之

為主號云

是時漢使西踰葱嶺抵安息安

犂靬眩人獻于漢諸小國皆隨漢使獻見每巡狩海上悉

從外國客大都多人則大角抵出奇戲聚觀者散財帛賞

賜以示富厚令徧觀各倉庫府藏之積以傾駭之大宛左

右多蒲萄可以有酒多苜蓿天馬嗜之漢使求其實以未

天子種之離宮別館旁極望焉大鳥卵條支國大雀其

卵如鵝犂靬西域國名眩人即幻人顏師古曰今吞刀吐

火之類是也角抵奇戲文頴曰雜

技樂也已渝戲魚龍曼衍之屬

丁丑太初元年

應劭曰初用夏正故改年為太初是年五月改元故歲首尚仍秦正至次年始用

建寅之月云

冬十月帝如泰山十一月甲子朔旦冬至祀明

堂益遣方士入海

上自泰山東至海上考入海及方士求神仙者莫驗

然益遣冀遇之十二月親禪高里

伏儼曰山名在泰山下

祠后

土臨勃海望祀蓬萊幾

義同冀

至殊廷仙人也焉

柏梁臺災作建章宮

三輔黃圖在未央宮西長安城外

柏梁既災上還受計甘泉

公孫卿言黃帝就青靈十二月燒乃治明庭明庭甘

泉也上于是令

越人勇之曰越俗有火災復起屋必

以大用勝服之乃作建章宮

度為十門萬戶東鳳闕西虎圈北太液池中有

漸臺達萊方丈瀛洲壺梁南玉堂壁門立神明臺并幹樓輦道相屬

夏五月造太初厯以正月為歲首

大中大夫公孫卿壺遂

壺氏晉大夫受邑太史令太

史官之長

司馬遷

太史談子生于龍門字子長

等言厯紀廢壞宜

改正朔

禮記疏周建子商建丑夏建寅改正也周庚午商雖鳴夏平旦易朔也

兒寬議

以為宜用夏正

斗杓初昏建寅之月為歲首也

乃召卿等造漢太初

厯

卿等以上元泰初四千六百一十七歲至于元封七年復得閏逢攝提格之歲中冬十一月甲子朔

旦冬至日月在建星太歲在子已得太初本星度願
募治厯者更造密度各自增減以造漢太初厯于是
鄧平治之唐都分天部落下閏運算轉厯其法以律
起厯與鄧平所治同詔遂用鄧平厯王應麟曰漢
太初厯元起丁丑以日月五緯復得上元本星
度故命曰閏逢攝提格之歲而實非甲寅也以正
月為歲首色尚黃黃土色漢據土德故尚黃數用五土數五定官

名

光祿勳大鴻臚大司農執金吾京兆尹左馮翊右扶風皆是歲所改

協音律更是年

為太初元年

劉氏友益曰始用夏正故特書造自是無
能改者矣蓋行夏之時誠不易之常經也

秋以李廣利為貳師將軍伐大宛

漢使人西域者言宛有善馬在貳師城

大宛國城名

匿不

以求馬故怨少佐軍名不正已

肯與漢使上使壯士持千金及金馬以請之宛王不

甚矣及至士卒

肯漢使怒椎

破也

金馬而去宛貴人令其東邊郁成王

飢疲引還乃遮

之玉門外不聞

遮殺之于是上大怒諸嘗使者言宛兵弱誠以漢兵

有濟軍需思改

絃之政徒聽武

師留敦煌是何

三千人可盡虜矣上以為然而欲侯寵姬李氏乃拜

焉策乎然武帝

其兄廣利為貳師將軍

期至貳師取善馬故以為號

發屬國騎及

雄才大畧必不

如此史傳必有

所聞

郡國惡少年數萬人往伐宛

貳師城守不給食比至郁成

士不過數千皆飢罷攻郁成為所殺傷傷甚衆貳師引

兵還至敦煌上書乞罷兵上怒使使遮玉門曰軍有

敢入斬之貳師
恐因留敦煌

關東蝗大起西飛至敦煌

戊寅二年春正月丞相慶卒以公孫賀為丞相

封葛
繹侯

時朝廷督責大臣丞相比坐事死賀引拜不受印綬
頓首涕泣上起去賀不得已拜出曰我從是殆矣

秋遣趙破奴擊匈奴敗沒

初匈奴烏維單于死子兒單于

名烏
斯廬

立年少好殺伐國

人不安左大都尉告漢曰我欲殺單于降漢漢遠即兵

來迎我我即發上乃遣公孫敖築塞外受降城

在今吳喇武旗

北以應之既而猶以為遠乃遣浚稽將軍趙破奴將二

萬騎期至浚稽山

在漠北胡三省注匈奴有東西浚稽考浚稽山去漢朔方北二千餘

里當在今喀爾喀土喇河及鄂爾渾河之間所謂龍勒水在東浚稽山南余吾水在山之

北者是也既至左大都尉欲發而覺單于誅之

發兵八萬騎圍破奴獲之因急擊其軍軍吏畏亡將

而誅遂没于匈奴

明年兒單于死匈奴單于立漢遣光祿勳徐自為出五原塞葆城

障列亭遠者千里其秋匈奴大入盡毀凍之

己卯

三年春睢陽

功臣表作睢陵

侯張昌

張敖曾孫廣之子

有罪國除

初高祖封功臣為列侯百四十有三人其封爵之誓曰使黃河如帶泰山若礪國以永存爰及苗裔申以丹書之信重以白馬之盟高后時差第位次藏之宗廟副在有司逮文景後列侯子孫多抵法禁隕身失國至是昌坐為太常乏祠

祠事有關也

國除見侯纔四人而已

大發兵從李廣利圍宛宛殺其王毋寡出善馬以降

時議者皆願罷宛兵

以趙破奴敗沒匈奴

上以為宛小國而不

能下則大夏之屬漸輕漢而宛善馬絕不來乃案

案其

罪行

言伐宛尤不便者鄧光等大發兵出敦煌

赦囚徒發

蜀

惡少年及邊騎凡六

益發天下七科

吏有罪一亡命二贅壻三賈人

萬人負私從者不與

四故有市籍五父母有市

適與誦同戌也

及載糒給貳師

籍六大父母有市籍七

拜習馬者二人為執驅馬校

于是貳師復行以兵多

尉備破宛擇取其善馬云

所至迎給不下者攻屠之至宛城兵到者三萬

宛兵迎擊

漢兵大

圍其城攻之四十餘日

宛城中無井汲城外流水貳師決其水原

敗之

七科徵發中如有罪亡命雖不失自贖之義然皆未練之卒也至贛壻賈人市籍皆無罪者不幾驅市人而戮耶欲以克敵定功難矣

移之宛 宛貴人相與謀共殺王母寡持其頭使貳師
因大困

曰無攻我我乃盡出善馬恣所取而給軍食即不聽

我我亦盡殺善馬康居之救又且至貳師許之宛乃

出其馬令漢自擇之而多出食食漢軍漢軍取其善

馬數十匹中馬以下三千餘匹立宛貴人昧蔡

故興漢使

善者為王與盟而罷兵令搜粟都尉上官桀

楚子蘭為上官邑大

夫後以為氏桀

攻破郁成郁成王走康居追斬之明

隴西上邽人

年師還上以得宛善馬作西極天馬之歌

辭曰天馬徠從西極

涉流沙九夷服天馬徠出泉水虎脊兩化若鬼天馬
徠歷無阜經千里循東道天馬徠執徐時將搖舉誰
與期天馬徠聞遠門疎予身遊昆
命天馬徠龍之媒遊閭闔觀玉臺封廣利為海西侯

將士皆論功封賞伐宛再反凡四歲而得罷

貳師還時匈奴

因樓蘭候漢使後過者欲絕勿通軍正任文捕得生
口知狀以聞上詔文引兵捕樓蘭王詣闕對簿王對
曰小國在大國間不兩屬無以自安願徙居漢地上
直其言遣歸國因使候何匈奴自是不親信樓蘭于
是自敦煌西至鹽澤往往起亭而輪臺渠犁皆有田
卒數百人置使者校尉領護以給使外國者
輪臺
西域地名在車師西北渠
犁城在輪臺東地相接

己辛
天漢元年

應劭曰時頻年苦旱故改元天漢以祈甘
雨師古曰大雅有雲漢之詩故依以為年

號

春三月遣中郎將蘇武

杜陵人蘇建子字子卿

使匈奴

先是上欲因伐宛之威遂困匈奴乃下詔曰高皇帝

遺朕平城之憂高后時單于書絕悖逆昔齊襄公復

九世之讎

齊襄公滅紀復哀公之讎見公羊傳

春秋大之會匈奴响犁

湖單于死弟且鞮侯單于初立恐漢襲之乃曰我兒

子安敢望漢天子漢天子我丈人行也因盡歸漢使

之不降者路充國等使使來獻于是上嘉單于之義

遣蘇武送匈奴使留在漢者因厚賂單于答其厚意

武與副中郎將張勝及假吏常惠等俱

既至置幣單于單于益驕非漢

所望也會緹王

昆邪王姊子與昆邪王俱降漢後隨趙破奴沒胡中

與長水虞

常漢有長水校尉掌長水胡騎

等謀殺漢降人衛律

虞常益亦先沒于匈奴者

律父故長水胡人律善李延年延年薦律使于

而劫

匈奴聞延年家收遂亡降于匈奴單于愛之

單于母閼氏歸漢人告單于時律為丁靈

匈奴屬國在康居北

今為俄羅斯地

王貴寵用事單于使律治之虞常引武副張

勝知其謀

虞常在漢素與張勝相知私候勝請為伏弩射殺衛律勝許之

單于怒欲

殺漢使者左伊秩訾

胡官之號

曰即謀單于何以復加言

謀

衛律而殺之其罰太重

宜皆降之單于使衛律召武受辭武謂

常惠等曰屈節辱命雖生何面目以歸漢引佩刀自

刺衛律驚自抱持之武氣絕半日復息單于壯其節

朝夕遣人問武而收繫勝武益愈會論虞常欲因此

時降武劍斬常已律曰漢使張勝謀殺單于近臣當

死降者赦罪舉劍欲擊之勝請降律謂武曰副有罪

當相坐武曰本無謀又非親屬何謂相坐律復舉劍

擬之武不動律曰君因我降與君為兄弟今不聽吾

計後雖欲復見我尚可得乎武罵律曰汝為人臣子

不顧恩義畔主背親為降虜于蠻夷何以汝為見

言何

用見汝為也且單于信汝使決人生死不平心持正反欲

闕兩主觀禍敗南越殺漢使者屠為九郡宛王殺漢

使者頭縣北闕朝鮮殺漢使者即時誅滅若知我不

降明欲令兩國相攻匈奴之禍從此始矣律白單于

愈欲降之

遂幽武置大窖中絕不飲食天雨雪武卧齧雪與旃毛并咽之數日不死匈奴以為

蘇武奉使北庭慨懷誓死歷十九年凜然不可犯固足以風世勵俗然史家謀以萬言食旃託為異事夫雪或可齧旃決無可食之理即偶一食之斷不能數

日藉以不死是
說殊失于誣即
野鼠草實亦只
可苟延旦夕十
九年之久何以
當之則所攝義
不食匈奴之粟
亦飾詞耳且武
既娶婦生子豈
得謂非大節之
玷蓋武不過不
降不若李陵街
律之背君以曰
奇節吾未之信

神乃徙武北海無人處使牧羝曰羝乳乃得歸別
其官屬常惠等各置他所武既至海上廩食不給掘
野鼠去草實而食之仗漢節
牧羊卧起操持節旄盡落

雨白蒼興聲通師古曰
毛之彊曲者也

夏大旱赦

壬午二年夏遣李廣利將兵擊匈奴別將李陵戰敗降虜

貳師出酒泉擊匈奴斬萬餘級師還匈奴大圍之漢

軍乏食數日死傷者多假司馬趙充國

字翁孫隴
西上封人

與

壯士百餘人潰圍陷陣貳師引兵隨之遂得解

充國身
被二十

餘創詔徵詣行在所帝親視其創嗟嘆之拜為中郎

初李廣有孫陵

字少卿

善騎

射愛人下士帝以為有廣之風拜騎都尉使將丹陽

楚人五千人教射酒泉張掖以備胡至是上欲使為

貳師將輜重陵曰臣所將皆荆楚勇士奇才劍客力

扼虎射命中願得自當一隊分單于兵毋令專鄉貳

師軍上曰將惡相屬耶吾發軍多無騎予汝陵對無

所事騎臣願以步兵五千人涉單于庭上壯而許之

因詔路博德將兵半道迎陵軍博德亦羞為陵後距

李陵恥為貳師
屬役以及于敗
乃甘心叛降所
謂小賄債韓破
華也司馬遷以
為欲得當報漢
其誅歟乎以是
罪遷不為過當
然遷恨武帝深
矣其為史于武

奏言方秋匈奴馬肥未可與戰願留陵至春俱出上

疑陵悔而教博德上書乃詔博德擊匈奴于西河見注

前詔陵以九月發陵于是出居延漢縣注至浚稽山

注見前與單于相值騎可三萬圍陵軍軍居兩山間以大車為營陵引

士出營外為陳前行持戟盾後行持弓弩令曰聞鼓聲而縱聞金聲而止虜見漢軍少直

前就營陵搏戰千弩俱發應弦而倒擊殺數千人單

于大驚召左右地兵八萬餘騎攻陵陵且戰且引南

行斬首三千餘級抵大澤葭葦中虜從上風縱火陵亦軍中縱火以自救步關

樹木間復殺數千人單于曰此漢精兵擊之不能下

日夜引吾南近塞得毋有伏兵乎欲去會軍侯管敢

亡降匈奴具言陵軍無後救矢且盡單于大喜遮道

急攻陵居谷中虜在山上四面射矢如雨下漢軍南行未至鞬汗山一

日五十萬矢皆盡陵太息曰兵敗死矣令軍士各散

期至遮虜障漢路博德所築在今肅州北邈外相待虜騎數千追之

校尉成安侯陵曰無面目報陛下遂降軍得脫至塞

者四百人上聞陵降怒甚羣臣皆罪陵惟太史令司馬遷盛言陵事親孝與士信常奮不顧身

以殉國家之急且陵提步卒不滿五千深踪戎馬之地抑數萬之師雖古名將不過也身雖陷敗彼之不死宜欲得當以報漢也上以遷為誣罔欲沮貳師為陵游說下遷腐刑久之上悔曰陵當發出塞乃詔彊弩都尉令迎軍生預詔之得令老將生姦詐乃遣使勞賜陵餘軍得脫者

遣繡衣直指使者

即侍御史師古曰衣以繡者尊寵之也

發兵擊東方盜

賊

時郡國二千石多酷暴吏民益輕犯法東方盜賊滋起攻城邑取庫兵釋死罪殺二千石掠鹵鄉里道路不通上使光祿大夫范昆等衣繡衣持節虎符發兵

以興擊所至得擅斬二千石以下誅殺甚衆一郡多

至萬餘人數歲乃頗得其渠率散卒失亡復聚黨阻

山川者往往羣居無可奈何于是作沈命法

韋昭曰沈沒也

敢蔽匿盜賊者沒其命

曰盜起不發覺發覺而捕弗滿品者二

千石以下至小吏主者皆死其後小吏畏誅雖有盜不敢發府亦使其不言故盜賊浸多上下相為匿以

文辭避法焉

是時暴勝之為直指使者衣繡杖斧所誅殺二千石以下尤多咸振州郡至勃

海聞郡人雋不疑賢請與相見不疑容貌尊嚴衣冠甚偉勝之躡履起迎登堂坐定不疑據地曰竊伏海

盜傷人者也縱一盜不知其傷幾何人而況萬餘盜乎如是而謂有陰德史家之顛倒是非可知矣元皇后之出其家亦偶然耳然馴致移漢祚則賀殆罪之魁耳何嘉之有

濱聞暴公子舊矣今乃承顏接辭凡為吏太剛則折太柔則廢威行施之以恩然後樹功揚名永終天祿勝之深納其戒及還表薦召拜青州刺史王賀亦為續衣御史逐捕羣盜多所縱捨以奉使不稱免數曰吾聞活千人子孫有封吾所活者萬餘人後世其興乎雋不疑字曼倩勃海人王賀字翁孺元成人元皇后之父

癸未
三年春三月帝東巡還祠常山

上行幸泰山修封祀明堂因受計還祠常山陸元王方士之候神人求蓬萊者終無有驗上益厭息矣然猶羈縻不絕冀遇其真

夏大旱赦

甲申四年春正月遣李廣利等擊匈奴不利族誅李陵家

發天下七科適及勇敢士遣李廣利等四將軍出塞

貳師將軍李廣利將騎六萬步兵七萬出朔方彊弩都尉路博德將萬餘人與貳師會遊擊將軍韓說將步兵三萬人出五原因杆將軍公孫敖將騎萬步兵三萬人出鴈門匈奴聞之悉遠其

累重于余吾水

在浚稽山北

北而單于以兵十萬待水南

與貳師接戰貳師解而引歸遊擊無所得因杆與左賢王戰不利時上遣敖深入匈奴迎李陵敖軍無功

還因曰得生口言李陵教單于為兵以備漢軍故臣無
所得上于是族陵家既而聞之乃李緒非陵也陵使人
刺殺緒單于以女妻陵立為右校王與衛律皆貴用事

夏四月立子臯為昌邑王

治昌邑
注見前

臯李夫人子也

立十一年
薨子賀嗣

秋九月令死罪入贖

錢五十萬減死一等

乙未 太始元年

應劭曰與民更
始故以冠元

春正月徙豪傑于茂陵

注見
前

丙戌二年春三月制金班諸侯王

詔曰往者朕郊見上帝獲白麟渥洼水出天馬泰山

見黃金宜改故名今更黃金為麟趾裏奴了蹠要裏

名裏蹠馬蹠也師古曰舊金以斤兩為名今欲表以祥瑞故普改為麟足馬蹠之形以易舊法之名

協瑞馬因以班賜諸侯王

秋穿白渠

在西安府涇陽縣西北有大白中白南白三渠

趙中大夫白公

史失其名

奏穿渠引涇水

注見前

首起谷口

在涇陽縣西北師古曰仲山之谷口也漢時為尾入縣今呼冶谷仲山之北寒涼故謂此谷為寒門

櫟陽

注見前

注渭中袤二百里溉田四千五百餘頃因

名曰白渠民得其饒

歌之曰田于何所池陽谷口鄭國在前白渠起後舉雷成雲決

渠為雨涇水一石其泥數斗且溉且糞長我禾黍衣食京師億萬之口鄭國渠注見前今三白渠自仲

山龍洞而東北曰北白中曰中白南曰下白凡灌涇陽醴泉三原高陵四縣田七千餘頃

丁亥 三年春正月帝東巡琅邪浮海而還

上行幸東海獲赤鴈作赤鴈之歌幸琅邪禮日成山

登之果

注並見前

浮大海而還

子弗陵生

弗陵母曰河間趙婕妤

帝過河間望氣者言此有奇女上使召之既至兩手皆拳

上自掖之手即伸由是得幸號拳夫人

封婕妤

婕妤位昭儀下視上卿比列侯

居鉤弋宮

以便行手反

任身十四月而生上曰聞昔堯十四月

屈如鉤故名

而生乃命門曰堯母門

以江充

邯鄲人

為水衡都尉

充初為趙王

趙敬肅王彭祖

客得罪亡詣闕告趙太子陰事

太子坐廢充容貌魁岸被服輕靡上召與語大悅之

拜為直指繡衣使者使督察貴戚近臣踰侈者充舉

効無所避令身待北軍擊匈奴貴戚子弟叩頭求哀
于上願入錢贖罪凡數十萬上以充為忠直嘗從上
甘泉逢太子家使乘車馬行馳道中充以屬吏太子
使人謝充曰非愛車馬誠不欲令上聞之以教勅亡
素謂素不曾教勅右右者唯江君寬之充不聽遂白奏上曰人
臣當如是矣大見信用威震京師

戊子四年春三月帝東巡祀明堂修封禪夏五月還宮赦

上幸不其

漢縣以不其山名故城在今山東萊州府即墨縣

祠神人于交門

宮

晉灼曰琅邪有交門宮

若有鄉坐拜者作交門之歌

冬十月甲寅晦日食

已丑征和元年

應劭曰言征伐四夷而天下和平

夏大旱

冬十一月大搜長安十一日

上居建章宮見一男子帶劍入中龍華門命收之弗

獲上怒斬門候發三輔

京兆左馮翊右扶風是為三輔

騎士大搜上

林閉長安城門索十一日乃解巫蠱始起

是時方士及諸神巫

多聚京師率皆左道惑衆變幻無所不為女巫往來宮中教美人度厄每屋輒埋木人祭祀之因妒忌志

至靈之興實由
信方士求神仙
有以致之妖由
人興不可不求
其本也

詈更相告訐以為祝詛上無
道後宮及大臣被誅者甚衆

庚寅

二年春正月丞相賀有罪下獄死夷其族以劉屈氂

中山靖

王 子 為左丞相

封澎
侯

賀夫人君孺即衛皇后姊也子敬聲為太僕驕奢不
奉法擅用北軍錢發覺下獄時詔捕陽陵大俠朱安世
甚急賀自請捕安世以贖敬聲罪果得安世安世笑曰
丞相禍及宗矣遂從獄中上書告敬聲與陽石公主
私通祝詛上有惡言遂下賀獄父子死獄中家族

夏四月大風發屋折木

充雖大奸豈能謀間骨肉特詔

覲易儲之萌是

以乘機竊發耳

物先腐而生

信哉

帝如甘泉秋七月皇太子據殺使者江充白皇后發兵

反詔丞相屈釐討之據敗走湖

漢縣故城在今河南陝州閿鄉縣

皇后

衛氏及據皆自殺

初上立太子甚愛之及長嫌其才能不類已皇后太

子常不自安上覺使大將軍青曉之

上曰漢家庶事草創加四夷侵陵

中國朕不變更制度後世無法不出師征伐天下不安為此者不得不勞若後世又如朕所為是襲亡秦之跡也太子敦重好靜必能安天下欲求守文之主要有賢于太子者乎即可以此意喻之上用

法嚴太子寬厚多所平反

如淳曰奏請從輕也

用法大臣多不

悅衛青既卒臣下無復外家為據

言諸臣以太子已無外家可為憑依

競欲搆太子會巫蠱事起

上心以為疑嘗晝寢夢木人數十持杖欲擊上上驚

寤因是體不平

上以江充為使者治其獄

自京師三輔及郡國

逆苦忽忽善忘

坐死者數萬人

充自以與太子及衛氏有隙因言宮中有蠱

氣入宮至省中壞御座掘地求蠱上又使蘇文等助

充

太子嘗謁皇后移日乃出黃門蘇文告上曰太子與宮人戲上益太子宮人太子知之衛文文與小

黃門常融等常微伺太子過輒增加白之皇后切齒使太子白誅文等太子曰第勿為過上聰明不信邪

佞不足憂也己而融

被誅文構太子益甚

充遂至太子宫掘地縱橫無復

施牀處云于太子宫得木人尤多當奏聞太子懼召

問少傅石德

石慶

德懼并誅因曰前丞相

公孫賀

父子

兩公主

諸邑陽石

及衛氏

長平侯抗

皆坐此今無以自明可矯

以節收補充等繫獄窮治其姦詐且上疾在甘泉皇

后及家吏請問皆不報存亡未可知而姦臣如此太

子不念秦扶蘇事邪太子不聽將如甘泉而充持之

急太子遂從德計乃使客詐為使者收補充等自臨

斬之罵曰趙虜前亂乃國王父子不足耶乃復亂吾

父子也使舍人持節夜入宮白皇后發中廡

天子
內廡車

載射士出武庫兵發長樂宮衛卒蘇文亡歸甘泉言

狀上大怒賜丞相璽書曰捕斬反者自有賞罰堅閉

城門毋令反者得出太子宣言帝病困疑有變上于

是從甘泉來幸城西建章宮詔發三輔近縣兵丞相

將之太子亦矯制赦長安中都官囚徒命石德及賓

客張光等分將召護北軍使者任安與節令發兵安

拜受節入閉門不出太子引兵毆肆市人數萬至長

樂西關下逢丞相軍合戰五日死者數萬人民間皆

云太子反故衆不附太子兵敗南奔覆盡城門

長安城東

南門亦曰杜門司直田仁部閉城門以為太子父子之親不

欲急之太子得出亡

丞相欲斬仁御史大夫暴勝之曰司直吏二千石當先請奈何

擅斬之丞相釋仁上聞大怒下吏責問勝之皇恐自殺

詔收皇后璽綬后自殺

上以為任安老更欲坐觀成敗有兩心與田仁皆要斬諸太子賓客嘗出入宮門皆坐誅其隨太子發兵

以反族上怒甚羣下憂懼不知所出壺關

今縣屬山西潞安府本漢

太子而反天下
大變也子盜父
兵殺證者尚可
合戰五日何為
者而壺關三老
上書辨其冤所
謂亂民之尤彼
必陰有以窺武
帝吝悔之意觀

置三老茂上書曰臣聞父者猶天母者猶地子猶萬物也故天平地安物乃茂成父慈母愛子乃孝順今皇太子為漢適嗣承萬世之業體祖宗之重親則皇帝之宗子也江充布衣之人閭閻之隸臣耳陛下顯而用之銜至尊之命予以迫威皇太子造飾姦詐羣邪錯繆太子進則不得見上退則困於亂臣獨冤結而無告不忍忿忿之心起而殺充恐懼逋逃子盜父兵以救難自免耳臣竊以為無邪心者江充讒殺趙太

太子之復位居
首功耳人情喻
戲吁可畏哉

子天下莫不聞陛下不察深過太子發盛怒舉大兵
而求之三公自將智者不敢言辨士不敢說臣竊痛
之書奏上感悟然尚未顯言赦之也太子亡東至湖
匿泉鳩里一名金鳩澗在閩鄉縣西南主人家貧賣屨以給太子
八月發覺吏圍捕太子太子入室距戶自經皇孫二人皆
并遇害初上為太子立博望苑使通賓客從其所好
賓客多以異端進者故終及於敗

八月地震

辛卯 三年春三月遣李廣利等將兵擊匈奴

匈奴寇五原酒泉遣李廣利等將兵擊之

廣利將七萬人出五

原商邱成將二萬人出西

河馬通將四萬騎出酒泉

夏六月丞相屈氂棄市李廣利降匈奴詔族其家

貳師之出也丞相劉屈氂為祖道送至渭橋廣利曰

願君侯早請昌邑王為太子如立為帝君侯長何憂

乎屈氂許諾貳師出塞破匈奴兵于夫羊句山

在漠北

乘勝追北至范夫人城

在今喀爾喀地

會有告丞相夫人祝

詛上及與貳師共禱祠欲令昌邑王為帝按驗罪至

大逆不道六月屈釐要斬東市貳師妻子亦收貳師

聞之憂懼遂深入要功北至郅居水

在范夫
人城北

上逢左

賢王左大將合戰一日殺左大將還至燕然山

今喀
爾喀

有杭愛山直陝西寧夏北
二千餘里蓋即古燕然山

單于自將五萬騎遮擊貳

師夜輒漢軍前深數尺從後急擊之軍大亂敗貳師

遂降單于以女妻之宗族遂滅

貳師在匈奴歲餘衛
律害其寵會母閼氏

病律飭胡巫言當用貳師以祠貳師且死罵曰我死
必滅匈奴會連雨雪數月畜產死人民疫病殺稼不

熟軍于恐為

貳師立祠堂

秋以田千秋

本齊諸田徙長陵

為大鴻臚族滅江充家

吏民以巫蠱相告言者案驗多不實上頗知太子惶

恐無他意會高寢郎

高廟衛寢之郎

田千秋上急變訟太子

寃曰子弄父兵罪當笞天子之子過誤殺人當何罪

哉臣夢見一白頭翁教臣言上乃大感寤召見千秋

千秋長八尺餘體貌

甚麗上見而悅之

謂曰父子之間人所難言也公

獨明其不然此高廟神靈使公教我公當遂為我輔

千秋亦三老之
見玉璆稱白頭
翁荒謬甚矣此
武帝之信邪有
以致之遂以為
水相不更可笑
乎

佐立拜千秋為大鴻臚而族滅江充家焚蘇文于橫

橋

即中渭橋
在橫門外

上

上情太子無辜乃作思子宮為歸
來望思之臺于湖天下聞而悲之

四年春正月帝如東萊

注見
前

上欲浮海求神仙羣臣諫弗聽會大風晦暝海水沸

湧留十餘日乃還是歲雍縣

注見
前

無雲而雷者三聲

聞四百里隕石二黑如鷖

三月帝耕于鉅定

漢縣故城在今山東
青州府壽光縣西北

還至泰山罷方

士候神人者夏六月還宮

上耕于鉅定還幸泰山修封禪祀明堂見羣臣乃言
曰朕即位以來所為狂悖使天下愁苦不可追悔自
今事有傷害百姓糜費天下者悉罷之田千秋曰方
士言神仙者甚衆而無顯功請皆罷斥遣之上曰大
鴻臚言是也于是悉罷諸方士候神人者是後上每
對羣臣自嘆邇時愚惑為方士所欺天下豈有仙人
盡妖妄耳節食服藥差可少病而已

以田千秋為丞相封富民侯以趙過為搜粟都尉

千秋無他才能學術又無閎闊功勞特以一言寤意

數月取宰相封侯世未嘗有也然為人敦厚有智居位

自稱踰于前後數公先是桑弘羊言輪臺

注見前

東有

溉田五千頃以上可遣屯田卒置校尉募民壯健敢

徙者詣田所墾田築亭以威西國上乃下詔深陳既

往之悔曰前有司奏欲益民賦三十助邊用是重困

老弱孤獨也今又請遣卒田輪臺輪臺西于車師千

餘里前擊車師雖降其王以遼遠乏食道死者尚數

千人沉益西乎匈奴常言漢極大然不耐饑渴失一

狼走千羊乃者貳師敗軍士死略離散悲痛常在朕

心今又請遠田輪臺欲起亭隧是擾勞天下非所以

優民也朕不忍聞大鴻臚等又議欲募囚徒送匈奴

使者明封侯之賞以報忿此五伯所弗為也當今務

在禁苛暴止擅賦力本農修馬復

師古曰馬復因養馬以免徭賦也

令以補缺毋乏武備而已郡國二千石各上進畜馬

方畧補邊狀與計對自是不復出軍而封田千秋為

代田分畝歲易其處以用力少得穀多也然此用之土曠入稀時尚可否則以二畝之地代種即使一畝有二畝之獲地與穀僅足相當又何便巧之有

富民侯以明休息思富養民也又以趙過為搜粟都

尉過教民為代田一畝

秦制二百四十步為畝

三畝

溝廣深各尺曰畝

歲代處

代易也歲易其處胡三省曰即周禮一易再易之類

每耨輒附根

每耨草輒

以土附

根深能

讀曰耐

風旱其耕耘田器皆有便巧用

著苗根

力少而得穀多民皆便之

秋八月辛酉晦日食

癸巳後元元年夏六月侍中僕射馬何羅反伏誅

初馬何羅與江充相善及衛太子起兵何羅弟通以

力戰封侯後上夷滅江充宗族黨與何羅兄弟懼及
遂謀為逆侍中金日磾視其志意有非常心疑之陰
獨察其動靜與俱上下以故久不得發上幸林光宮
服虔曰甘泉宮亦曰林光何羅與通矯制夜出發兵明旦上未起
何羅袖白刃從東廂上見日磾色變走趨卧內觸寶
瑟僵日磾得抱何羅投殿下窮治皆伏辜

秋七月地震

往往湧泉出

殺鈎弋夫人趙氏

鉤弋夫人之子弗陵年七歲形體壯大多知上奇愛之心欲立焉以其年穉母少猶與久之欲以大臣輔之察羣臣唯奉車都尉光祿大夫霍光忠厚可任大事上乃使黃門畫周公負成王朝諸侯以賜光後數日帝譴責鉤弋夫人夫人脫簪珥叩頭帝曰引持去送掖庭獄夫人還顧帝曰趣行汝不得活卒賜死帝閒居問左右曰外人言云何左右對曰人言且立其子何去其母乎帝曰然是非兒曹愚人之所知也往

武帝雖鑒呂雉之禍而為此然非有人心者所忍聞彼呂雉之禍亦高祖有以致之耳不思善處預防欲以陰毒為弭禍之計謬矣

古國家所以亂由主少母壯也女主獨居驕蹇淫亂自恣莫能禁也汝不聞呂后邪故不得不先去之也

甲午二年春二月帝如五柞宮

在今西安府藍屋縣東南西京雜記宮有五柞樹陰

覆數畝故名

立弗陵為皇太子以霍光為大司馬大將軍金

日碑為車騎將軍上官桀為左將軍受遺詔輔少主帝崩

上病篤霍光涕泣問曰如有不諱誰當嗣者上曰君未喻前畫意邪立少主君行周公之事光頓首讓曰

臣不如金日磾日磾亦曰臣外國人不如光且使匈奴
輕漢乃立弗陵為皇太子明日命光日磾上官桀受
遺詔輔少主與御史大夫桑弘羊皆拜卧内牀下

出光

入禁闥二十餘年出則奉車入侍左右小心謹慎未
嘗有過為人沈靜詳審每出入下殿門止進有常處
郎僕射竊識視之不失尺寸日磾在上左右目不忤
視者數十年賜出宮女不敢近上欲納其女後宮不
肯其篤慎如此上尤奇異之日磾長子為帝弄兒其
後壯大自殿下與宮人戲日磾適見遂殺之上怒日
磾具言所以上為之泣而心敬日磾桀始以材能見
幸為未央廐令上嘗體不安及愈見馬多瘦上大怒
曰今以我不復見馬邪欲下吏桀頓首曰臣聞聖體
不安日夜憂懼意識不在馬言未卒泣數行下上以

上官桀以糾結
免過耳武帝信
之至于託孤宜
其後日不終所
事也然霍光金
日磾豈非武帝
特識之人乎故
武帝所為有大
過人者亦有大
不可解者

以為愛已 又明日帝崩入殯未央前殿
由是親近

太子弗陵即位

時帝姊鄂邑長公主共養省中光日磾桀共領尚書
事光輔幼主政自己出天下想聞其風采殿中常有
怪一夜羣臣相驚光名尚符璽郎欲收取璽郎不肯
授光欲奪之郎按劍曰臣頭可得璽不可得也光甚
誼之明日詔增此郎秩二等衆庶莫不多光

三月葬茂陵

史臣曰漢承百王之弊高祖撥亂反正文景務在養民至于稽古禮文之事猶多闕焉孝武初立卓然罷黜百家表章六經遂疇咨海內舉其俊茂與之立功興太學修郊祀改正朔定歷數協音律紹周俊號令文章煥焉可述如武帝之雄才大畧不改文景之恭儉以濟斯民雖詩書所稱何以加焉

秋七月追尊鉤弋夫人為皇太后起雲陵

在西安府涇陽縣西北

孝昭皇帝

乙未始元元年春二月帝耕于弄田

鉤弋弄田在未央宮中師古曰謂宴遊之

田天子所

戲弄耳

秋七月大雨至于十月

燕王請入宿衛
不臣之跡已著
至連兵擄掠更
當伏管蔡之誅
乃曲赦弗治是
霍光有公旦之
誠款而無公旦
之才識矣

燕王旦謀反赦弗治黨與皆伏誅

初武帝時燕王旦自以次第當為太子上書求入宿
衛帝怒斬其使又坐匿亡命削三縣旦辯慧博學其
弟廣陵王胥有勇力而皆動作無法復多過失及武
帝崩賜諸侯王璽書燕王旦得書不肯哭曰璽書封
小京師疑有變遣幸臣之長安問禮儀陰刺候朝廷
事及詔賜錢益封旦怒曰我當為帝何賜也遂與齊
孝王孫澤等結謀詐言以武帝時受詔得職吏事修

武備備非常為姦書言少帝非武帝子天下宜共伐之使人傳行郡國以搖動百姓澤謀歸發兵臨菑

注見

前

且招徠郡國姦人賦斂銅鐵作甲兵數閱其車騎

材官卒發民大獵以講士馬須期日殺諫者韓義等

凡十五人八月青州刺史雋不疑收捕澤等以間遣

大鴻臚丞治連引燕王詔以燕王至親勿治而澤等

皆伏誅遂擢不疑為京兆尹

不疑為京兆尹吏民敬其威信每行縣錄囚徒

還其母輒問不疑有所平反活幾何人即多所平反母喜笑異他時或無所出母怒為不食故不疑為吏

嚴而不殘

九月車騎將軍稭

漢縣故城在今山東曹州府城武縣

侯金日磾卒

謚曰敬

初武帝以日磾捕反者馬何羅功遣詔封為稭侯日

磾以帝少不受封及病困光白封之卧受印綬一日

薨

日磾兩子賞建侯侍中與上卧起賞奉車建駙馬都尉及賞嗣侯佩兩綬上謂光曰金氏兄弟兩人

不可使俱兩綬邪對曰賞自嗣父為侯耳上笑曰侯不在我與將軍乎對曰先帝之約有功乃得封侯遂止

閏月遣使行郡國舉賢良問民疾苦

丙二年春正月封大將軍光為博陸

師古曰取鄉聚之名非縣也

侯

左將軍桀為安陽

桀食邑
蕩陰

侯

皆以遺詔前捕反者功與金日磾同封至是始受

時衛

尉王莽子男忽侍中揚語曰帝崩忽常在左右安得
遺詔封三子事羣兒自相責耳光聞之切讓王莽莽

酖殺

忽

以宗室劉辟彊

字少卿楚元
王交之孫

劉長樂為光祿大夫辟彊

守長樂衛尉

或說霍光曰將軍不見諸呂之事乎攝政擅權而背

宗室不與共職是以天下不信卒至滅亡今將軍當

盛位帝春秋富宜納宗室又多與大臣共事則可以
免患光然之乃擇宗室可用者拜二人皆為光祿大
夫辟彊守長樂衛尉時辟彊已八十餘徙宗正數月
卒

秋匈奴狐鹿姑單于死子壺衍鞮單于立

初武帝征伐匈奴深入窮追二十餘年匈奴馬畜孕

重

懷任也

墮殯

胎落散也

罷

讀作疲

極苦之常有欲和親意未

能得是歲單于病且死謂諸貴人我子少不能治國

立弟右谷蠡王及單于死衛律等與顓渠閼氏謀矯
單于令更立其子為壺衍鞬單于左賢王右谷蠡王
怨望不復肯會龍城

匈奴諸王每歲五月大會
龍城祭其先天地鬼神

匈奴

始衰

丁酉 三年冬十月鳳凰集東海

漢郡注
見前

遣使者祠其處

十一月壬辰朔日食

戊戌 四年春三月立婕妤上官氏為皇后赦

初霍光與上官桀相親善每休沐出桀常代入決事
光女為桀子安妻生女年甫六歲安欲因光內之宮
中光不聽帝姊鄂邑蓋長公主私近子客丁外人安
說外人曰安子容貌端正誠因長主時得入為后以
臣父子在朝而有椒房之重漢家故事常以列侯尚
主足下何憂不封侯乎外人言于長主長主以為然
召安女入為婕妤遂立為后以安為車騎將軍

己未五年春正月男子成方遂詣闕詐稱衛太子伏誅

有男子乘黃犢車詣北闕詐稱衛太子公車以聞詔
公卿將軍中二千石雜識視至者並莫敢發言京兆
尹不疑後到叱從吏收縛或曰是非未可知且安之
不疑曰諸君何患于衛太子昔蒯瞶違命出奔輒拒
而不納春秋是之衛太子得罪先帝已不即死今來
自詣此罪人也遂送詔獄上與大將軍光聞而嘉之
曰公卿大臣當用有經術明于大誼者由是不疑名
重朝廷廷尉驗治竟得姦詐本夏陽人姓成名方遂

居湖有故太子舍人謂曰子狀貌甚似衛太子方遂利其言冀以得富貴坐誣罔不道要斬

伊川程子曰不疑說春秋非是然其處事應機則不異于古人矣

庚子六年春詔問賢良文學民間疾苦

諫議大夫杜延年

字幼公杜周少子

言年歲比不登流民未

盡還宜修孝文時政示以儉約寬和順天心說民意年歲宜應光納其言詔有司問郡國所舉賢良文學

民間疾苦教化之要皆對願罷鹽鐵酒榷

武帝時榷酒酤均

輸官母與天下爭利桑弘羊難以為此國家大業所以制四夷安邊足用之本不可廢也于是鹽鐵之議起焉是年秋七月罷榷酤官從賢良文學之議也

霍光

和時務之要輕徭薄賦與民休息會匈奴和親百姓充實稍復文景之業焉

蘇武還自匈奴以為典屬國

本秦官漢因之掌蠻夷降者

初武與李陵俱為侍中及陵降匈奴單于使至海上為武置酒設樂謂曰單于聞陵與子卿素厚故使來說足下虛心欲相待終不得歸漢空自苦亡人之地

信義安所見乎武曰武父子無功德皆為陛下所成
就位列將爵通侯常願肝腦塗地今得殺身自效誠
甘樂之臣事君猶子事父也子為父死無所恨願勿
復言陵與武飲數日復曰子卿壹聽陵言武曰自分
已死人矣必欲降武請畢今日之驩效死于前陵見
其至誠喟然嘆曰嗟乎義士陵與衛律之罪上通于
天因泣下霑衿與武決去後陵復至北海上語武以
武帝崩武南鄉號哭歐血旦夕臨數月及是匈奴國

內非離恐漢兵襲之于是與漢和親乃歸武及馬宏

等

宏前使西國為匈奴為遮亦不肯降故匈奴歸此二人欲以通善意先是漢求武等單于詭言武死

宏等之歸蓋以舊使老用卿為和之計耳使上雁帛云云果動聽別索及降之陵律句亦將與之乎

漢使復至常惠夜見漢使具自陳道教使者為單于言天子射上林中得鴈足有繫帛書言武等在其澤中使言如惠語以讓單于單于大驚謝曰武等實在于是李陵置酒賀武曰足下揚名匈奴功顯漢室雖古竹帛所載丹青所畫何以過于卿陵雖驚怯今漢貲陵罪全其老母庶幾乎曹柯之盟宿昔所不忘也今復何顧哉已矣今子卿知吾心耳乃起舞作歌泣下數行遂與武決

歲始以強壯出及還鬚髮盡白

官屬隨還者九人既至京師詔武奉一大

牢謁武帝因廟拜典屬國賜錢一百萬田二頃宅一區常惠等拜中郎老者歸家賜錢十萬

御批歷代通鑑輯覽卷十六



總校官進士臣程嘉謨

校對官編修臣吳舒帷

謄錄監生臣謝棟